

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1069/09
Sarajevo, 05.11.2009. godine

Z A P I S N I K

26. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 26. oktobra i 05. novembra 2009. godine

Sjednica je počela u 12.33.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, potpredsjednicu Federacije Spomenku Mičić, premijera Federacije Mustafu Mujezinovića, zamjenika premijera i ministra finansija Vjekoslava Bevandu, ministre u Vladi Federacije Bosne i Hercegovine, predstavnike udruženja, sindikata, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Anto Bilić, Ivo Komšić i Ivo-Iva Tadić.

Na osnovu evidencije Stručne službe, predsjedavajući je konstatovao da sjednici prisustvuje 47 delegata, što čini većinu, te Dom naroda može raditi i punovažno odlučivati.

Prije prelaska na rad delegati su, bez primjedbi, jednoglasno (46 glasova), usvojili Zapisnik 25. sjednice Doma naroda, održane 28. septembra 2009. godine.

Kolegij Doma naroda predložio je da se postavljanje delegatskih pitanja i pokretanje delegatskih inicijativa odgodi za kraj sjednice, što su delegati i prihvatili.

Nakon toga predsjedavajući je obavijestio delegate da je Predstavnički dom odlučio da Prijedlog Strategije razvoj turizma Federacije Bosne i Hercegovine za period 2008. - 2018. godina razmatra u formi nacрта, te Kolegij Doma naroda predlaže da i Dom naroda ovu Strategiju razmatra u formi nacрта.

U raspravi u vezi sa ovim pitanjem razvila se diskusija u kojoj su učestvovali: Nevenko Herceg, federalni ministar turizma i okoliša, predsjednik Kluba delegata hrvatskog naroda Josip Perić, predsjednik Kluba delegata bošnjačkog naroda Alija Begović, Lidija Bradara, Tomo Vidović i Omer Čevra.

Nakon diskusije, predsjedavajući je stavio na glasanje prijedlog da se Strategija razmatra u formi prijedloga i na osnovu rezultata glasanja konstatovao da ovaj prijedlog nije dobio potrebnu većinu glasova, jer je za glasalo 29 delegata, 15 delegata je bilo uzdržano, a dva delegata su bila protiv.

S obzirom na to da je izražena sumnja u rezultate glasanja, pristupilo se poimeničnom glasanju koje je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajući je konstatovao da prijedlog da se Strategija razmatra u formi prijedloga nije dobio potrebnu većinu glasova, jer je za glasalo 28 delegata, jedan delegat je bio protiv, a 21 delegat je bio uzdržan. Prema tome, Strategija će se razmatrati u formi nacrt.

Stetozar Pudarić je potom predložio da se Prijedlog Zakona o računovodstvu i reviziji u Federaciji Bosne i Hercegovine razmatra u formi nacrt Zakona.

U vezi sa ovim prijedlogom u diskusiji su učestvovali Vjekoslav Bevanda, federalni ministar finansija, i Igor Rajner.

Na osnovu rezultata glasanja, predsjedavajući je konstatovao da prijedlog da se Zakon razmatra u formi nacrt Zakona nije dobio potrebnu većinu glasova, jer je za glasalo 18 delegata, 19 delegata je bilo uzdržano, a devet delegata je bilo protiv.

Daliborka Milović, predsjednica Komisije za izbor i imenovanja Doma naroda, obavijestila je delegate da je Komisija razmatrala dopis premijera Federacije u vezi sa imenovanjem dva člana Komisije za koncesije Federacije Bosne i Hercegovine i pitanja u vezi sa pojedinim imenovanjima iz nadležnosti Doma naroda Parlamenta Federacije Bosne i Hercegovine, te je tom prilikom Komisija predložila Domu naroda da usvoji Zaključke koje je pročitala. Predložila je da se tačka - Izbor i imenovanja - razmatra kao 1. tačka dnevnog reda.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz dva uzdržana glasa i uz tri glasa protiv, prihvatio da se tačka - Izbor i imenovanja - razmatra kao 1. tačka dnevnog reda.

Potom se prešlo na glasanje o predloženom dnevnom redu.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz tri uzdržana glasa i uz jedan glas protiv, usvoji sljedeći:

DNEVNI RED

1. Izbor i imenovanja;
2. Prijedlog Zakona o računovodstvu i reviziji u Federaciji Bosne i Hercegovine;
3. Prijedlog Zakona o građevinskim proizvodima;
4. Prijedlog Zakona o izmjenama i dopunama Zakona o upravljanju otpadom;
5. Prijedlog Zakona o transplantaciji organa i tkiva u cilju liječenja;
6. Prijedlog Zakona o izmjenama i dopunama Zakona o prestanku primjene Zakona o napuštenim stanovima (predlagač: Jasmin Duvnjak, zastupnik u Predstavničkom domu);
7. Nacrt Zakona o reviziji korisnika prava iz oblasti braniteljsko-invalidske zaštite;
8. Nacrt Zakona o eksplozivnim materijalima Federacije Bosne i Hercegovine;
9. Nacrt Zakona o privatnim detektivima;
10. Nacrt Zakona o reviziji privatizacije državnog kapitala u privrednim društvima i bankama;
11. Prijedlog Strategije zaštite okoliša Federacije Bosne i Hercegovine 2008. - 2018. godina;
12. Nacrt Strategije razvoja turizma Federacije Bosne i Hercegovine za period 2008. – 2018. godine;
13. Projekt „Razvoj malog i srednjeg poduzetništva u Federaciji Bosne i Hercegovine“;
14. Prijedlog Odluke o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Igman, Bjelašnica, Treskavica, kanjon rijeke Rakitnice (Visočica)“ za period od 2007. do 2027. godine;
15. Prijedlog Odluke o izmjeni Odluke o pristupanju izradi Regulacionog plana historijskog gradskog područja Počitelj za period od 2008. do 2018. godine;
16. Prijedlog Odluke o izmjeni Odluke o pristupanju izradi Regulacionog plana historijskog gradskog područja Mostar za period od 2007. do 2017. godine;
17. Prijedlog Odluke o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Sliv rijeke Une“ za period od 2007. do 2027. godine;
18. a) Odluka o davanju suglasnosti za prihvatanje kredita Kuvajtskog fonda za arapski ekonomski razvoj za Projekt autoceste Kakanj - Donja Gračanica,
b) Odluka o davanju suglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Kuvajtskog fonda za arapski ekonomski razvoj za Projekt autoceste Kakanj – Donja Gračanica,

- c) Nacrt Kreditnog sporazuma između Bosne i Hercegovine zastupane od Ministarstva finansija i trezora i Kuvajtskog fonda za arapski ekonomski razvoj za finansiranje Projekta autoceste Kakanj-Donja Gračanica,
 - d) Informacija o kreditu Kuvajtskog fonda za arapski ekonomski razvoj za Projekt autoceste Kakanj – Donja Gračanica;
19. Prijedlog Odluke o utvrđivanju područja planine „Vranica“ područjem posebnih obilježja od značaja za Federaciju Bosne i Hercegovine;
 20. Prijedlog Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Vranica“ za period od 2008. do 2028. godine;
 21. a) Izvještaj o radu Komisije za vrijednosne papire Federacije Bosne i Hercegovine za 2008. godinu,
 - b) Finansijski plan Komisije za vrijednosne papire Federacije Bosne i Hercegovine za 2009. godinu sa Programom rada za 2009. godinu;
 22. Informacija o implementaciji stand-by aranžmana sa Međunarodnim monetarnim fondom;
 23. Informacija o ostvarenim i raspoređenim javnim prihodima za period siječanj – prosinac 2008. godine;
 24. Usuglašavanje tekstova prijedloga zakona i drugih akata različito usvojenih u domovima Parlamenta Federacije Bosne i Hercegovine:
 - a) Prijedlog za rješenje spornih pitanja u Prijedlogu Zakona o profesionalnoj rehabilitaciji, osposobljavanju i zapošljavanju osoba sa invaliditetom,
 - b) Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine.

1. Izbor i imenovanja

Predsjedavajući je podsjetio delegate na Zaključke koje je predložila Komisija za izbor i imenovanja.

U raspravi su učestvovali: Radoje Vidović, Željko Asić, Alija Begović, Lidija Bradara, Besim Imamović, Igor Rajner, potpredsjednica Federacije Spomenka Mičić, Muhamed Osmić, Mislav Sučić i Daliborka Milović.

Na osnovu rezultata glasanja, predsjedavajući je konstatovao da je Dom naroda, sa 40 glasova za, uz dva uzdržana glasa i uz tri glasa protiv, usvojio sljedeće:

ZAKLJUČKE

1. Zadužuje se Vlada Federacije Bosne i Hercegovine da hitno provede postupak izbora kandidata za članove Komisije za koncesije Federacije Bosne i Hercegovine i dostavi Parlamentu Federacije Bosne i Hercegovine prijedlog za imenovanje svih sedam članova u skladu sa Zakonom o Komisiji za koncesije.
2. Zadužuje se predsjednica Federacije Bosne i Hercegovine da, uz suglasnost potpredsjednika Federacije Domu naroda dostavi prijedlog za imenovanje sudija Ustavnog suda Federacije Bosne i Hercegovine.
3. Zadužuje se predsjednica Federacije Bosne i Hercegovine da, uz suglasnost potpredsjednika Federacije Domu naroda dostavi prijedlog za imenovanje jednog člana Regulatorne komisije za električnu energiju iz Federacije Bosne i Hercegovine iz reda hrvatskog naroda.
4. Zadužuje se predsjednica Federacije Bosne i Hercegovine da, uz suglasnost potpredsjednika Federacije Parlamentu Federacije Bosne i Hercegovine dostavi prijedlog za imenovanje članova Komisije za vrijednosne papire Federacije Bosne i Hercegovine, s obzirom na to da je u svibnju ove godine istekao mandat Komisiji za vrijednosne papire Federacije Bosne i Hercegovine.

2. Prijedlog Zakona o računovodstvu i reviziji u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na nastavku 25. sjednice od 13. oktobra 2009. godine usvojio Prijedlog Zakona sa amandmanima, primjedbama i prijedlozima koje je Vlada Federacije prihvatila na sjednici Predstavničkog doma koji su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Na Prijedlog Zakona amandmane su podnijeli: Svetozar Pudarić (22 amandmana), Sead Čaušević (četiri amandmana), Zoran Budimić (dva amandmana) i Ramo Isak (jedan amandman).

Prijedlog Zakona obrazložila je Mira Bradara, pomoćnica federalnog ministra finansija.

U raspravi su učestvovali: Svetozar Pudarić, Sead Čaušević, Igor Rajner, Tomo Vidović, Zoran Budimić, Muhamed Osmić i Vjekoslav Bevanda, federalni ministar finansija.

Nakon rasprave, predsjedavajući je predložio da se izjašnjenje o Prijedlogu Zakona obavi na nastavku sjednice, dok se Vlada Federacije izjasni o podnesenim amandmanima, što su delegati prihvatili.

3. Prijedlog Zakona o građevinskim proizvodima

Prijedlog Zakona utvrdila je Vlada Federacije.

Predstavnički dom je na nastavku 25. sjednice od 13. oktobra 2009. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Jasmin Bučo, predstavnik Federalnog ministarstva prostornog uređenja.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 39 glasova za, uz dva uzdržana glasa i uz dva glasa protiv, usvojio Prijedlog Zakona o građevinskim proizvodima.

4. Prijedlog Zakona o izmjenama i dopunama Zakona o upravljanju otpadom

Prijedlog Zakona utvrdila je Vlada Federacije.

Predstavnički dom je na nastavku 25. sjednice od 30. septembra 2009. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Nevenko Herceg, federalni ministar turizma i okoliša.

U raspravi su učestvovali Tomi Vidović i Nevenko Herceg, federalni ministar turizma i okoliša.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz jedan uzdržani glas i uz tri glasa protiv, usvojio Prijedlog Zakona o izmjenama i dopunama Zakona u upravljanju otpadom.

5. Prijedlog Zakona o transplantaciji organa i tkiva u cilju liječenja

Prijedlog Zakona utvrdila je Vlada Federacije.

Predstavnički dom je na nastavku 24. sjednice od 29. septembra 2009. godine usvojio Prijedlog Zakona sa šest amandmana Vlade

Federacije koji su postali sastavni dio Prijedloga Zakona. Amandmani se odnose na čl. 6., 7., 30., 31., 45. i 59. Prijedloga Zakona. Tom prilikom usvojen je Zaključak.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Safet Omerović, federalni ministar zdravstva.

U raspravi su učestvovali: Snježana Milavić, Mira Ljubijankić, Igor Rajner, Safet Omerović, federalni ministar zdravstva, i Zoran Budimić.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz dva uzdržana glasa i uz jedn glas protiv, usvojio Prijedlog Zakona o transplantaciji organa i tkiva u cilju liječenja uz sljedeći:

ZAKLJUČAK

1. Obavezuje se Vlada Federacije Bosne i Hercegovine da u roku od godinu dana od dana stupanja na snagu Zakona o transplantaciji organa i tkiva u cilju liječenja provede postupak izjašnjavanja stanovništva u Federaciji Bosne i Hercegovine u kojem bi se utvrdilo da li su suglasni ili ne sa darivanjem organa i tkiva poslije smrti.
2. Postupak iz stava 1. Zaključka provodi se putem institucije izabranog liječnika primarne zdravstvene zaštite.
3. Obavezuje se Vlada Federacije Bosne i Hercegovine da u Budžetu Federacije Bosne i Hercegovine za 2010. godinu osigura finansijska sredstva za ove namjene.
4. Način provedbe postupka iz stava 1. Zaključka utvrdit će se Odlukom Vlade Federacije Bosne i Hercegovine na prijedlog federalnog ministra zdravstva.
5. O realizaciji Zaključka Vlada Federacije Bosne i Hercegovine dužna je informirati Parlament Federacije Bosne i Hercegovine.

6. Prijedlog Zakona o izmjenama i dopunama Zakona o prestanku primjene Zakona o napuštenim stanovima

Predlagač Zakona je Jasmin Duvnjak, zastupnik u Predstavničkom domu.

Predstavnički dom je na nastavku 11. sjednice od 28. marta 2009. godine usvojio Prijedlog Zakona u tekstu kako ga je predložio predlagač.

Vlada Federacije dostavila je pozitivno mišljenje u vezi sa Prijedlogom Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Jasmin Duvnjak, zastupnik u Predstavničkom domu.

U raspravi su učestvovali: Josip Perić, Mislav Sučić, Radoje Vidović, Jasmin Duvnjak, Nikola Simić, Edin Hozan i Muharem Serbezovski.

U raspravi je Josip Perić podnio amandman koji je predlagač Zakona prihvatio.

Amandman

U članu 2. dodaje se stav 9. koji glasi:

“Postupak po kome se utvrđuje način predaje stana u posjed, njegovo korištenje i dodjela zamjenskog stana iz stambenog fonda prijašnjeg Federalnog ministarstva odbrane i Vojske Federacije Bosne i Hercegovine uredit će se Upustvom Federalnog ministarstva prostornog uređenja u roku od 15 dana od dana stupanja na snagu ovog Zakona. Nadležni javni pravobranilac u skladu sa svojim ovlaštenjima i Upustvom nadzirat će postupak i vršiti kontrolu zakonitosti predaje stana u posjed i dodjele zamjenskog stana, kao i kupovinu stana na osnovu takve predaje i dodjele.”

Također, Josip Perić je u raspravi predložio i Zaključak koji je predsjedavajući stavio na glasanje i konstatovao da je Dom naroda, sa 34 glasa za, uz tri uzdržana glasa i uz pet glasova protiv, usvojio sljedeći:

ZAKLJUČAK

Zadužuje se Vlada Federacije Bosne i Hercegovine da sačini evidenciju stanova nad čijim je nosiocima stanarskog prava, odnosno članovima porodičnog domaćinstva izvršen ratni zločin i omogući vraćanje u posjed i otkup takvih stanova preživjelim članovima uže porodice.

Potom se prešlo na glasanje o Prijedlogu Zakona.

Na osnovu rezultata poimeničnog glasanja, koje je obavio Izmir Hadžić, sekretar Doma naroda, predsjedavajući je konstatovao da je Dom naroda, sa 33 glasa za, uz 11 uzdržanih glasova i uz tri glasa protiv, usvojio Prijedlog Zakona o izmjenama i dopunama Zakona o prestanku primjene Zakona o napuštenim stanovima.

Prema tome, Prijedlog Zakona usvojen je u različitom tekstu u oba doma Parlamenta Federacije Bosne i Hercegovine, pa ga je **potrebno usuglasiti**.

7. Nacrt Zakona o reviziji korisnika prava iz oblasti braniteljsko-invalidske zaštite

Nacrt Zakona utvrdila je Vlada Federacije.

Predstavnički dom je na nastavku 25. sjednice od 13. oktobra 2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Zahid Crnkić, federalni ministar za pitanja branitelja i invalida odbrambeno-oslobodilačkog rata.

U raspravi su učestvovali: Elvira Abdić-Jelenović, Besim Imamović, Lidija Bradara, Josip Perić, Pero Jukić, Muhamed Osmić, Tomo Vidović, Fahrudin Skopljak, Ismet Imamović i Zahid Crnkić, federalni ministar za pitanja branitelja i invalida odbrambeno-oslobodilačkog rata.

Na osnovu rezultata glasanja, predsjedavajući je konstatovao da je Dom naroda, sa 31 glasom za, uz osam uzdržanih glasova i uz šest glasova protiv, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o reviziji korisnika prava iz oblasti braniteljsko-invalidske zaštite i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

8. Nacrt Zakona o eksplozivnim materijama Federacije Bosne i Hercegovine

Nacrt Zakona utvrdila je Vlada Federacije.

Predstavnički dom je na nastavku 25. sjednice od 13. oktobra 2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Jasmina Pašić, pomoćnica federalnog ministra energije, rudarstva i industrije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz tri uzdržana glasa i uz jedan glas protiv, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o eksplozivnim materijama Federacije Bosne i Hercegovine i smatra da može poslužiti kao osnov za izradu Prijedloga Zakona.

9. Nacrt Zakona o privatnim detektivima

Nacrt Zakona utvrdila je Vlada Federacije.

Predstavnički dom je na nastavku 25. sjednice od 13. oktobra 2009. godine razmatrao Nacrt Zakon i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Muhidin Alić, federalni ministar unutrašnjih poslova.

U raspravi je učestvovao Tomo Vidović.

Na osnovu rezultata glasanja, predsjedavajući je konstatovao da je Dom naroda, sa 34 glasa za, uz šest uzdržanih glasova i uz četiri glasa protiv, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o privatnim detektivima i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

10. Nacrt Zakona o reviziji privatizacije državnog kapitala u privrednim društvima i bankama

Nacrt Zakona utvrdila je Vlada Federacije.

Predstavnički dom je na nastavku 25. sjednice od 13. oktobra 2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Jasmina Pašić, pomoćnica federalnog ministra energije, rudarstva i industrije.

U raspravi su učestvovali Igor Rajner i Mislav Sučić.

U raspravi je, također, učestvovala i Elvira Abdić-Jelenović, koja je zatražila da se njeno mišljenje izdvoji u Zapisniku i naglasila da revizija privatizacije može ići samo od polazne tačke, Markovićeovog zakona pa nadalje.

Na osnovu rezultata glasanja, predsjedavajući je konstatovao da je Dom naroda, sa 35 glasova za, uz tri uzdržana glasa i uz šest glasova protiv, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o reviziji privatizacije državnog kapitala u privrednim društvima i bankama i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

11. Prijedlog Strategije zaštite okoliša Federacije Bosne i Hercegovine 2008. - 2018. godina

Prijedlog Strategije utvrdila je Vlada Federacije i dostavila je Parlamentu Federacije radi razmatranja i usvajanja.

Predstavnički dom je na nastavku 22. sjednice od 28. maja 2009. godine usvojio Prijedlog Strategije zaštite okoliša Federacije BiH 2008. - 2018. godine u tekstu kako ga je predložila Vlada Federacije.

Prijedlog Strategije razmatrala su nadležni radna tijela i dostavila svoje izvještaje.

Prijedlog Strategije obrazložio je Nevenko Herceg, federalni ministar turizma i okoliša.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 43 glasa za i uz dva glasa protiv, usvojio Prijedlog Strategije zaštite okoliša Federacije BiH 2008. - 2018. godina.

12. Nacrt Strategije razvoja turizma Federacije Bosne i Hercegovine za period 2008. – 2018. godins

Strategiju je utvrdila Vlada Federacije u formi prijedloga i dostavila je Parlamentu Federacije radi razmatranja i usvajanja.

Predsjedavajući je podsjetio delegate da je u prethodnom postupku odlučeno da se Strategija razmatra u formi nacrt.

Strategiju su razmatrala nadležna radna tijela i dostavila svoje izvještaje.

Strategiju je obrazložio Nevenko Herceg, federalni ministar turizma i okoliša.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz četiri uzdržana glasa i uz jedan glas protiv, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Strategije razvoja turizma Federacije Bosne i Hercegovine za period 2008. – 2018. godine i smatra da može poslužiti kao osnov za izradu prijedloga Strategije.

13. Projekt „Razvoj malog i srednjeg poduzetništva u Federaciji Bosne i Hercegovine”

Projekt je utvrdila Vlada Federacije i dostavila ga Parlamentu Federacije radi razmatranja i usvajanja.

Predstavnički dom je na nastavku 22. sjednice od 28. maja 2009. godine usvojio Projekt u tekstu kako ga je predložila Vlada Federacije.

Projekt su razmatrala nadležna radna tijela i dostavila svoje izvještaje.

Projekt je obrazložio Velimir Kunić, federalni ministar razvoja poduzetništva i obrta.

U raspravi su učestvovali Besim Imamović i Lidija Bradara.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz dva uzdržana glasa i uz jedan glas protiv, usvojio Projekt „Razvoj malog i srednjeg poduzetništva u Federaciji Bosne i Hercegovine”

Sjednica je prekinuta u 18.24.

* * *

NASTAVAK SJEDNICE OD 05. NOVEMBRA 2009. GODINE

Sjednica je počela u 10.33.

Sjednici je predsjedao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, premijera Federacije Mustafu Mujezinovića, ministre u Vladi Federacije Bosne i Hercegovine, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Miro Lazović, Željko Asić, Omer Čevra, Elvira Abdić-Jelenović, Saša Magazinović i Zijad Tvica.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Prije prelaska na rad predsjedavajući je podsjetio delegate na preostale tačke dnevnog reda te prešao na rad.

2. Prijedlog Zakona o računovodstvu i reviziji u Federaciji Bosne i Hercegovine

Predsjedavajući je podsjetio delegate da su amandmane na Prijedlog Zakona podnijeli: Svetozar Pudarić (22 amandmana), Sead Čaušević (četiri amandmana), Zoran Budimić (dva amandmana) i Ramo Isak (jedan amandman).

Nakon toga u raspravi su učestvovali: Igor Rajner, Svetozar Pudarić, Sead Čaušević i Zoran Budimić.

U raspravi je učestvovala i Hatidža Dimač, predstavnic Federalnog ministarstva finansija, i izjavila da Vlada Federacije prihvata sljedeće amandmane Svetozara Pudarića.

Amandman I.

U članu 3. u stavu 3. riječi: „organizacione dijelove“ zamjenjuju se riječima: „poslovne jedinice i pogone“, a riječi: „ako se preko tih organizacijskih jedinica ostvaruje prihod u Federaciji“ zamjenjuju se riječima: „ako se te poslovne jedinice i pogoni smatraju obveznicima poreza na dobit u Federaciji“.

Amandman II.

U članu 5. st. 3. i 4. se brišu.

Za **Amandman IV.** koji se odnosi na dodavanje novog stava 3. u članu 10. predstavnica Federalnog ministarstva finansija je izjavila da je ovaj amandman istovjetan amandmanu prihvaćenom u Predstavničkom domu.

Amandman V.

U članu 16. u stavu 2. na kraju teksta riječi: „najmanje u 3 (tri) primjerka“ zamjenjuju se riječima: „u potrebnom broju primjeraka“.

Amandman VI.

U članu 19. u stavu 2. riječi: “tri dana” zamjenjuju se riječima: “8 (osam) dana”.

Amandman XI.

U članu 27. st. 4., 5. i 6. se brišu.

Amandman XIII.

U članu 33. u stavu 1. dodaje se tačka 4. koja glasi: “4. međunarodne računovodstvene standarde za mala i srednja poduzeća koje objavi OMRS”.

Amandman XVII.

U članu 39. u stavu 2. riječi: “na magnetnoj traci” zamjenjuju se riječima: “na elektronskom mediju”.

Amandman XVIII.

Čl. od 40. do 44. se brišu.

Za **Amandman XX.** koji se odnosi na stav 1. u članu 51. predstavnica Federalnog ministarstva finansija izjavila je da je ovaj amandman istovjetan amandmanu prihvaćenom u Predstavničkom domu.

Vlada Federacije djelimično je prihvatila tri amandmana Svetozara Pudarića na način da je podnijela svoja tri amandmana

Amandman I. (Amandman XII. Svetozara Pudarića)

U članu 28. u stavu 5. riječi: “u skladu sa propisima koji reguliraju porez na dobit” se brišu.

Amandman II. (Amandman XV. Svetozara Pudarića)

U članu 37. u stavu 2. na kraju prve rečenice riječ “dozvole” briše se i dodaju riječi: “važeće licence, izuzev za certificirane računovođe iz člana 5. stav 6. ovog Zakona”.

Amandman III. (vezan uz Amandman X. Svetozara Pudarića na kojem je insistirao da se glasa u tekstu koji je on predložio)

U članu 77. iza stava 3. dodaje se stav 4. koji glasi:

“Certifikovane računovođe koji pružaju računovodstvene usluge trećim licima sa važećom licencom, a registrirane kao samostalna djelatnost, dužne su svoj status i poslovanje uskladiti sa članom 24. stav 2. ovog Zakona u roku od godinu dana od početka primjene ovog Zakona.”

Svetozar Pudarić izjavio je da se slaže sa Izjašnjenjem Vlade Federacije o neprihvatanju amandmana III., VII., VIII., IX., XIV., XVI., XIX. i XXII. i o djelimično prihvaćenim amandmanima, dok je insistirao da se o amandmanima X. i XXI. glasa.

Na osnovu rezultata glasanja, predsjedavajući je konstatovao da je Dom naroda, sa 30 glasova za, uz devet uzdržanih glasova i uz tri glasa protiv, usvojio Amandman X.

Amandman X.

U članu 24. u stavu 2. iza riječi: “drugom pravnom licu” dodaju se riječi: “ili poduzetniku”.

Na osnovu rezultata glasanja, predsjedavajući je konstatovao da Dom naroda **nije usvojio** Amandman XXI. jer je za glasalo 16 delegata, 22 su bila uzdržana, a četiri delegata su bila protiv.

Sead Čaušević izjavio je da odustaje od amandmana I., II. i IV. a da ne odustaje od amandmana III. koji je istovjetan izglašanom Amandmanu X. Svetozara Pudarića.

Ramo Isak izjavio je da ne odustaje od svog amandmana koji je istovjetan izglašanom Amandmanu X. Svetozara Pudarića.

Zoran Budimić izjavio je da ne odustaje od svog Amandmana I. koji je istovjetan izglašanom Amandmanu X. Svetozara Pudarića, niti od Amandmana II. koji se odnosi na član 5. Prijedloga Zakona.

Na osnovu rezultata glasanja, predsjedavajući je konstatovao da je Dom naroda, sa 36 glasova za, uz četiri uzdržana glasa i uz tri glasa protiv, usvojio Amandman II.

Amandman II.

U članu 5. stav 3. mijenja se i glasi:

“Izuzetno, certifikat ovlaštenog revizora bez provedenog prethodnog testiranja izdaje se na zahtjev doktora nauka, odnosno magistra ekonomskih nauka iz oblasti računovodstva, revizije i analize poslovanja, koji ima izbor u odgovarajuće naučno zvanje, odnosno magistar ekonomskih nauka koji posjeduje zvanje certifikovanog računovođe i praktično iskustvo od pet godina na poslovima računovodstva i finansija.”

Ovaj amandman je u suprotnosti sa Amandmanom II. Svetozara Pudarića koji je Vlada Federacije prihvatila.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda, sa 40 glasova za i uz jedan glas protiv, usvojio Prijedlog Zakona o računovodstvu i reviziji u Federaciji Bosne i Hercegovine.

Prema tome, Prijedlog Zakona usvojen je u različitom tekstu u oba doma Parlamenta Federacije Bosne i Hercegovine, pa ga je **potrebno usuglasiti**.

14. Prijedlog Odluke o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Igman, Bjelašnica, Treskavica, kanjon rijeke Rakitnice (Visočica)“ za period od 2007. do 2027. godine

Prijedlog Odluke utvrdila je Vlada Federacije i dostavila ga Parlamentu Federacije radi razmatranja i donošenja.

Predstavnički dom je na nastavku 24. sjednice od 14. septembra 2009. godine donio Odluku, uz primjedbu jezičke prirode koja se odnosi na tačku I. Odluke, koju je predstavnik Vlade Federacije prihvatio pa je postala sastavni dio Odluke.

Odluku su razmatrala nadležna radna tijela i dostavila svoje izvještaje.

Odbor za prostorno uređenje, ekologiju i stambeno-komunalne poslove podnio je amandman na stav 2. I. tačke Odluke, koji je predstavnik Vlade Federacije prihvatio, a koja je istovjetna primjedbi jezičke prirode prihvaćenoj na sjednici Predstavničkog doma.

Amandman glasi:

“Nosilac izrade će Prostorni plan područja posebnih obilježja od značaja za Federaciju Bosne i Hercegovine “Igman, Bjelašnica, Treskavica, kanjon rijeke Rakitnice (Visočica)” za period od 2007. - 2027. godine izraditi u roku ne dužem od 12 mjeseci u svemu prema ponudi, počev od dana zaključivanja Ugovora o pružanju usluge izrade prostornog plana i osiguranja sredstava u operativnom budžetu Federacije Bosne i Hercegovine u skladu sa Zakonom o izvršavanju budžeta Federacije Bosne i Hercegovine.”

Odluku je obrazložila Hanka Mušimbegović, pomoćnica federalnog ministra prostornog uređenja.

U raspravi su učestvovali: Denis Zvizdić, Mirsad Pindžo, Igor Rajner, Lidija Bradara, Hanka Mušimbegović, pomoćnik federalnog ministra prostornog uređenja, Svetozar Pudarić, Besim Imamović i premijer Mustafa Mujezinović

S obzirom na to da je u raspravi Denis Zvizdić predložio da se donese zaključak u vezi sa odlukama pod tač. 14., 15., 16. i 17. dnevnog reda, predsjedavajući ga je stavio na glasanje i, na osnovu rezultata glasanja, konstatovao da je Dom naroda, sa 31 glasom za, uz šest uzdržanih glasova i uz šest glasova protiv, donio sljedeći:

ZAKLJUČAK

Zadužuje se Vlada Federacije Bosne i Hercegovine da u Budžetu Federacije Bosne i Hercegovine za 2010. godinu osigura inicijalna sredstava za izradu prostorno-planskih dokumenata vezanih uz odluke koje su na snazi.

Nakon toga se prešlo na glasanje o Odluci.

Na osnovu rezultata glasanja, predsjedavajući je konstatovao da Dom naroda **nije donio** Prijedlog Odluke o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Igman, Bjelašnica, Treskavica, kanjon rijeke Rakitnice (Visočica)“ za period od 2007. do 2027. godine, jer je za glasalo 26 delegata, devet delegata je bilo protiv, a osam delegata je bilo uzdržano.

15. Prijedlog Odluke o izmjeni Odluke o pristupanju izradi Regulacionog plana historijskog gradskog područja Počitelj za period od 2008. do 2018. godine

Prijedlog Odluke utvrdila je Vlada Federacije i dostavila ga Parlamentu Federacije radi razmatranja i donošenja.

Predstavnički dom je na nastavku 24. sjednice od 14. septembra 2009. godine donio Odluku, uz primjedbu jezičke prirode koja se odnosi na I. tačku Odluke, koju je predstavnik Vlade Federacije prihvatio pa je postala sastavni dio Odluke.

Odluku su razmatrala nadležna radna tijela i dostavila svoje izvještaje.

Odbor za prostorno uređenje, ekologiju i stambeno-komunalne poslove podnio je amandman na stav 2. I. tačke Odluke koji je predstavnik Vlade Federacije prihvatio, a koja je istovjetna primjedbi jezičke prirode prihvaćenoj na sjednici Predstavničkog doma.

Amandman glasi:

“Nosilac izrade će Regulacioni plan historijskog gradskog područja Počitelj za period od 2008. do 2018. godine izraditi u roku ne dužem od 12 mjeseci u svemu prema ponudi, počev od dana zaključivanja Ugovora o pružanju usluge izrade Regulacionog plana i osiguranja sredstava u

operativnom budžetu Federacije Bosne i Hercegovine, u skladu sa Zakonom o izvršavanju budžeta Federacije Bosne i Hercegovine.”

Odluku je obrazložila Hanka Mušimbegović, pomoćnica federalnog ministra prostornog uređenja.

U raspravi nije niko učestvovao.

Na osnovu rezultata glasanja, predsjedavajući je konstatovao da Dom naroda **nije donio** Prijedlog Odluke o izmjeni Odluke o pristupanju izradi Regulacionog plana historijskog gradskog područja Počitelj za period od 2008. do 2018. godine, jer je za glasalo 25 delegata, deset delegata je bilo protiv, a osam delegata je bilo uzdržano.

16. Prijedlog Odluke o izmjeni Odluke o pristupanju izradi Regulacionog plana historijskog gradskog područja Mostar za period od 2007. do 2017. godine

Prijedlog Odluke utvrdila je Vlada Federacije i dostavila ga Parlamentu Federacije radi razmatranja i donošenja.

Predstavnički dom je na nastavku 24. sjednice od 14. septembra. 2009. godine donio Odluku, uz primjedbu jezičke prirode koja se odnosi na I. tačku Odluke, koju je predstavnik Vlade Federacije prihvatio, pa je postala sastavni dio Odluke.

Odluku su razmatrala ndležna radna tijela i dostavila svoje izvještaje.

Odbor za prostorno uređenje, ekologiju i stambeno-komunalne poslove podnio je amandman na stav 2. I. tačke Odluke koji je predstavnik Vlade Federacije prihvatio, a koja je istovjetna primjedbi jezičke prirode prihvaćenoj na sjednici Predstavničkog doma.

Amandman glasi:

“Nosilac izrade će Regulacioni plan historijskog gradskog područja Mostar za period od 2007. do 2017. godine izraditi u roku ne dužem od 12 mjeseci u svemu prema ponudi, počev od dana zaključivanja Ugovora o pružanju usluge izrade Regulacionog plana i osiguranja sredstava u operativnom budžetu Federacije Bosne i Hercegovine u skladu sa Zakonom o izvršavanju budžeta Federacije Bosne i Hercegovine.”

Odluku je obrazložila Hanka Mušimbegović, pomoćnica federalnog ministra prostornog uređenja.

U raspravi je učestvovao Denis Zvizdić.

Na osnovu rezultata glasanja, predsjedavajući je konstatovao da Dom naroda **nije donio** Prijedlog Odluke o izmjeni Odluke o pristupanju izradi Regulacionog plana historijskog gradskog područja Mostar za period od 2007. do 2017. godine, jer je za glasalo 27 delegata, šest delegata je bilo protiv, a 11 delegata je bilo uzdržano.

17. Prijedlog odluke o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Sliv rijeke Une“ za period od 2007. do 2027. godine

Prijedlog Odluke utvrdila je Vlada Federacije i dostavila ga Parlamentu Federacije radi razmatranja i donošenja.

Predstavnički dom je na nastavku 24. sjednice od 14. septembra 2009. godine donio Odluku, uz primjedbu jezičke prirode koja se odnosi na I. tačku Odluke, koju je predstavnik Vlade Federacije prihvatio pa je postala sastavni dio Odluke.

Odluku su razmatrala nadležna radna tijela i dostavila svoje izvještaje.

Odbor za prostorno uređenje, ekologiju i stambeno-komunalne poslove podnio je amandman na stav 2. I. tačke Odluke koji je predstavnik Vlade Federacije prihvatio, a koja je istovjetna primjedbi jezičke prirode prihvaćenoj na sjednici Predstavničkog doma.

Amandman glasi:

“Nosilac izrade će Prostorni plan područja posebnih obilježja od značaja za Federaciju Bosne i Hercegovine “Sliv rijeke Une” izraditi u roku ne dužem od 12 mjeseci u svemu prema ponudi, počev od dana zaključenja Ugovora o pružanju usluge izrade Prostornog plana i osiguranja sredstava u operativnom budžetu Federacije Bosne i Hercegovine, u skladu sa Zakonom o izvršavanju budžeta Federacije Bosne i Hercegovine.”

Odluku je obrazložila Hanka Mušimbegović, pomoćnica federalnog ministra prostornog uređenja.

U raspravi je učestvovala Mira Ljubijankić, predsjednica Kluba delegata srpskog naroda.

Na osnovu rezultata glasanja, predsjedavajući je konstatovao da je Dom naroda, sa 31 glasom za, uz 11 uzdržanih glasova i uz jedan glas protiv, donio Odluku o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Sliv rijeke Une“ za period od 2007. do 2027. godine.

18. a) **Odluka o davanju suglasnosti za prihvatanje kredita Kuvajtskog fonda za arapski ekonomski razvoj za Projekt autoceste Kakanj - Donja Gračanica**
- b) **Odluka o davanju suglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Kuvajtskog fonda za arapski ekonomski razvoj za Projekt autoceste Kakanj – Donja Gračanica**
- c) **Nacrt Kreditnog sporazuma između Bosne i Hercegovine zastupane od Ministarstva finansija i trezora i Kuvajtskog fonda za arapski ekonomski razvoj za finansiranje Projekta autoceste Kakanj-Donja Gračanica**
- d) **Informacija o kreditu Kuvajtskog fonda za arapski ekonomski razvoj za Projekt autoceste Kakanj – Donja Gračanica**

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 22. sjednice od 28. maja 2009. godine donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještje.

Predsjedavajući je predložio da se o odlukama obavi zajednička rasprava, a izjašnjenje obavi pojedinačno, što su delegati prihvatili.

U raspravi su učestvovali: Igor Rajner, Lidija Bradara, Mika Lešić i Svetozar Pudarić.

Na osnovu rezultata glasanja, predsjedavajući je konstatovao da je Dom naroda, sa 31 glasom za, uz 11 uzdržanih glasova i uz jedan glas protiv, donio Odluku o izmjeni Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Sliv rijeke Une“ za period od 2007. do 2027. godine.

- a) Odluka o davanju suglasnosti za prihvatanje kredita Kuvajtskog fonda za arapski ekonomski razvoj za Projekt autoceste Kakanj - Donja Gračanica**

Na osnovu rezultata glasanja, predsjedavajući je konstatovao da je Dom naroda, sa 30 glasova za, uz 12 uzdržanih glasova i uz dva glasa protiv, donio Odluku kojom je odobrio Odluku o davanju suglasnosti za prihvatanje kredita Kuvajtskog fonda za arapski ekonomski razvoj za Projekt autoceste Kakanj - Donja Gračanica.

b) Odluka o davanju suglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Kuvajtskog fonda za arapski ekonomski razvoj za Projekt autoceste Kakanj – Donja Gračanica

Na osnovu rezultata glasanja, predsjedavajući je konstatovao da je Dom naroda, sa 32 glasa za, uz osam uzdržanih glasova i uz jedan glas protiv, donio Odluku kojom je odobrio Odluku o davanju suglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Kuvajtskog fonda za arapski ekonomski razvoj za Projekt autoceste Kakanj – Donja Gračanica.

c) Nacrt Kreditnog sporazuma između Bosne i Hercegovine zastupane od Ministarstva finansija i trezora i Kuvajtskog fonda za arapski ekonomski razvoj za finansiranje Projekta autoceste Kakanj-Donja Gračanica

d) Informacija o kreditu Kuvajtskog fonda za arapski ekonomski razvoj za Projekt autoceste Kakanj – Donja Gračanica

Dom naroda je primio na znanje Nacrt Kreditnog sporazuma između Bosne i Hercegovine zastupane od Ministarstva finansija i trezora i Kuvajtskog fonda za arapski ekonomski razvoj za finansiranje Projekta autoceste Kakanj - Donja Gračanica i Informaciju o kreditu Kuvajtskog fonda za arapski ekonomski razvoj za Projekt autoceste Kakanj – Donja Gračanica.

19. Prijedlog Odluke o utvrđivanju područja planine „Vranica“ područjem posebnih obilježja od značaja za Federaciju Bosne i Hercegovine

Predsjedavajući je podsjetio delegate da je na 21. sjednici od 19. marta 2009. godine obavljena rasprava i odgođeno izjašnjenje dok se o Odluci ne izjasne lokalne zajednice.

Načelnici općina Fojnica, Novi Travnik i Gornji Vakuf - Uskoplje dostavili su izjašnjenja.

Predstavnički dom je na nastavku 18. sjednice od 13. januara 2009. godine donio ovu Odluku.

U raspravi su učestvovali Edin Hozan, Mirsad Pindžo i Lidija Bradara, koja je predložila da se o Odluci trebaju izjasniti općinska vijeća.

Predsjedavajući je predložio da se odgodi izjašnjenje o Odluci dok općinska vijeća ne dostave svoja izjašnjenja, što su delegati i prihvatili.

20. Prijedlog Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Vranica“ za period od 2008. do 2028. godine

Predsjedavajući je podsjetio delegate da je na 21. sjednici od 19. marta 2009. godine obavljena rasprava i odgođeno izjašnjenje dok se o Odluci ne izjasne lokalne zajednice.

Načelnici općina Fojnica, Novi Travnik i Gornji Vakuf - Uskoplje dostavili su izjašnjenja.

Predstavnički dom je na nastavku 18. sjednice od 13. januara 2009. godine donio Odluku.

U raspravi su učestvovali Hanka Mušinbegović, pomoćnica federalnog ministra za prostorno uređenje i Igor Rajner.

Predsjedavajući je, također, predložio da se odgodi izjašnjenje o Odluci dok općinska vijeća ne dostave svoja izjašnjenja, što su delegati i prihvatili.

21. a) Izvještaj o radu Komisije za vrijednosne papire Federacije Bosne i Hercegovine za 2008. godinu

b) Finansijski plan Komisije za vrijednosne papire Federacije Bosne i Hercegovine za 2009. godinu sa Programom rada za 2009. godinu

Izvještaj o radu i Finansijski plan Komisije dostavila je Komisija za vrijednosne papire Parlamentu Federacije radi prihvatanja i potvrđivanja.

Predstavnički dom je na nastavku 21. sjednice od 22. aprila 2009. godine prihvatio Izvještaj i potvrdio Finansijski plan sa Programom rada za 2009. godinu.

Izvještaj i Plan razmatrala su nadležna radna tijela i dostavila svoje izvještaje.

Izvještaj i Plan obrazložio je Fuad Čerkez, predstavnik Komisije za vrijednosne papire.

U raspravi su učestvovali Mira Ljubijankić i Lidija Bradara.

a) Izvještaj o radu Komisije za vrijednosne papire Federacije Bosne i Hercegovine za 2008. godinu

Na osnovu rezultata glasanja, predsjedavajući je konstatovao da je Dom naroda, sa 35 glasova za, uz tri uzdržana glasa i uz tri glasa protiv, prihvatio Izvještaj o radu Komisije za vrijednosne papire Federacije Bosne i Hercegovine za 2008. godinu.

b) Finansijski plan Komisije za vrijednosne papire Federacije Bosne i Hercegovine za 2009. godinu sa Programom rada za 2009. godinu

Na osnovu rezultata glasanja, predsjedavajući je konstatovao da Dom naroda **nije potvrdio** Finansijski plan Komisije za vrijednosne papire Federacije Bosne i Hercegovine za 2009. godinu sa Programom rada za 2009. godinu, jer je za glasalo 25 delegata, 12 je bilo uzdržano, a četiri su bila protiv.

22. Informacija o implementaciji stand-by aranžmana sa Međunarodnim monetarnim fondom

Informaciju je utvrdila Vlada Federacije.

Predstavničkim domom je na nastavku 25. sjednice od 14. oktobra 2009. godine razmatrao Informaciju i primio je na znanje.

Informaciju su razmatrala nadležna radna tijela i dostavila svoje izvještaje.

Informaciju je obrazložio Emir Silajdžić, pomoćnik federalnog ministra finansija.

U raspravi su učestvovali: Besim Imamović, Mirsad Pindžo, Mislav Sučić, Igor Rajner, Josip Perić, Alija Begović, predsjednik Kluba delegata bošnjačkog naroda, Nikola Simić, Lidija Bradara, Sead Čaušević, Tomo Vidović, Zoran Budimić, Muhamed Osmić i Muharem Serbezovski.

Na osnovu rezultata glasanja, predsjedavajući je konstatovao da je Dom naroda, sa 30 glasova za, uz deset uzdržanih glasova i uz tri glasa protiv primio na znanje Informaciju o implementaciji stand-by aranžmana sa Međunarodnim monetarnim fondom.

S obzirom na to da je Muhamed Osmić u raspravi predložio Zaključak predsjedavajući ga je stavio na glasanje i, na osnovu rezultata glasanja, konstatovao da je Dom naroda, sa 30 glasova za, uz deset uzdržanih glasova i uz tri glasa protiv, donio sljedeći:

ZAKLJUČAK

Zadužuje se Vlada Federacije Bosne i Hercegovine da pripremi Informaciju o stanju privrede u Federaciji Bosne i Hercegovine koja bi se razmatrala na tematskoj sjednici Doma naroda i to prije nego Dom naroda razmatra Nacrt Budžeta Federacije Bosne i Hercegovine za 2010. godinu.

23. Informacija o ostvarenim i raspoređenim javnim prihodima za period siječanj – prosinac 2008. godine

Informaciju je utvrdila Vlada Federacije.

Predstavnički dom je na nastavku 21. sjednice od 22. aprila 2009. godine razmatrao Informaciju i primio je na znanje.

Informaciju su razmatrala nadležna radna tijela i dostavila svoje izvještaje.

Budući da sjednici nije prisustvovao predstavnik predlagača ova tačka je skinuta sa dnevnog reda.

S obzirom na to da su Besim Imamović i Tomo Vidović predložili da Dom naroda donese Zaključak koji su pročitali, predsjedavajući ga je stavio na glasanje i konstatovao da je Dom naroda, sa 35 glasova za, uz četiri uzdržana glasa i uz dva glasa protiv, donio sljedeći:

ZAKLJUČAK

Zadužuje se Vlada Federacije Bosne i Hercegovine, odnosno Ministarstvo finansija da kvalitetno pripremi Informaciju o ostvarenim i raspoređenim javnim prihodima za period januar – decembar 2008. godine, kao i Informaciju o ostvarenim i raspoređenim javnim prihodima za period januar – oktobar 2009. godine, kako bi se mogla obaviti zajednička rasprava o ovim informacijama.

24. Usuglašavanje tekstova prijedloga zakona i drugih akata različito usvojenih u domovima Parlamenta Federacije Bosne i Hercegovine:

- **Prijedlog za rješenje spornih pitanja u Prijedlogu Zakona o profesionalnoj rehabilitaciji, osposobljavanju i zapošljavanju osoba sa invaliditetom**

Predsjedavajući je podsjetio delegate da je Prijedlog Zakona izglasan u različitom tekstu, te da nije postignuto usuglašavanje u domovima, pa je Zajednička komisija za usuglašavanje različito izglasanih tekstova u oba doma Parlamenta Federacije na sjednici od 14. jula i 06. oktobra 2009. godine utvrdila prijedlog za rješenje spornih pitanja u tekstu ovog Zakona.

Predstavnički dom je na nastavku 25. sjednice od 27. oktobra 2009. godine prihvatio prijedlog Zajedničke komisije i usvojio izmijenjeni Amandman I. koji se odnosi na član 29. i tehničku ispravku u članu 59. stav 1., alineja 3. i 4. Predstavnički dom je, također, prihvatio i Zaključak koji je predložila Zajednička komisija.

Potom je predsjedavajući obavijestio delegate da je premijer Federacije predložio da se odgodi razmatranje ove tačke, jer postoji spor u vezi sa usuglašavanjem teksta, te je predložio da Zajednička komisija još jednom razmotri ove amandmane i da se ova tačka razmatra na sljedećoj sjednici, što su delegati prihvatili.

- Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine

Predsjedavajući je podsjetio delegate da je Dom naroda na nastavku 23. sjednice od 09. jula 2009. godine usvojio Prijedlog Zakona sa tri amandmana Vlade Federacije, koji se odnose na čl. 19., 29. i 111. i amandmanom koji se odnosi na uvođenje novog člana 42. koji je Vlada Federacije prihvatila na sjednici Predstavničkog doma.

Dom naroda usvojio je i amandman koji se odnosi na to da se u stavu 2. u članu 11. riječ "četiri" zamjenjuje riječju "dvije" za koji je Vlada Federacije izjavila da ga može prihvatiti.

Predstavnički dom na nastavku 24. sjednice od 29. septembra 2009. godine nije usvojio ovaj amandman Doma naroda.

Predsjedavajući je obavijestio delegate da je potrebno, u skladu sa poslovnim odredbama, da se Dom naroda izjasni da li odustaje od amandmana koji se odnosi na član 11. stav 2.

U raspravi je učestvovao Igor Rajner, koji je predložio da Dom naroda ne odustane od ovog amandmana.

Na osnovu rezultata glasanja, predsjedavajući je konstatovao da Dom naroda **nije odustao** od ovog amandman, jer su za odustajanje glasala tri delegata, jedan delegat je bio uzdržan, a 32 delegata su bila protiv.

Prema tome, Prijedlog Zakona će se uputiti Zajedničkoj komisiji za usuglašavanje različito izglasanih tekstova prijedloga zakona u oba doma Parlamenta Federacije.

Nakon toga se prešlo na postavljanje delegatskih pitanja i pokretanje inicijativa.

Delegatska pitanja i inicijative

Kenan Keserović postavio je dva pitanja.

Prvo pitanje je uputio Vladi Federacije i zatražio objašnjenje zašto do sada Vlada Federacije nije pisano odgovorila na upućene akte od Saveza samostalnih sindikata Bosne i Hercegovine i Sindikalne organizacije „Agrokomerc“ d.d. Velika Kladaša, te da li će ispuniti zahtjeve koji se nalaze u tim aktima.

Drugo pitanje postavio je Federalnom ministarstvu rada i socijalne politike kojim pita za razloge kašnjenja novčanih primanja populacije koji

ostvaruju ova prava na osnovu Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom, te zašto je došlo do umanjenja njihovih naknada.

Naglasio je da u vezi sa ovim pitanjima želi odgovore u pisanoj formi i da se prilože sva pravna dokumenta koja se odnose na ovu oblast.

Mira Jurić je apelovala za pomoć teško bolesnoj Almi Ajanović, studentici Pravnog fakulteta u Sarajevu.

Mislav Sučić postavio je dva delegatska pitanja Federalnom ministarstvu poljoprivrede, vodoprivrede i šumarstva.

Prvo pitanje je u vezi sa cjepljenjem gravidnih ovaca i zatražio je da se poticaj u poljoprivredi odvoji od provedbe vakcinacije za zaštitu od bruceloze.

Drugo pitanje odnosi se na broj steonih junica koje su uvezene od osmog mjeseca prošle godine kada je potpisan Sporazum o suradnji sa Evropskom unijom.

Sead Čaušević pokrenuo je Inicijativu prema Federalnom ministarstvu pravde kojom je zatražio da se hitno pokrene postupak izmjena i dopuna Krivičnog zakona Federacije Bosne i Hercegovine u Poglavlju XIX. (krivična djela protiv spolne slobode i morala) sa ciljem pooštavanja kazni i mjera za počinitelje takvih krivičnih djela, a naročito izvršenih nad djecom, te zatražio izradu jedinstvenog registra osuđivanih pedofila i silovatelja.

Delegatsko pitanje postavio je Federalnom ministarstvu energije, rudarstva i industrije – koliko termoelektrane Tuzla i Kakanj ostvare prijevoza željeznicom, koliko kamionima i finansijski i u tonama u jednoj godini.

Drago Puzigaća postavio je dva delegatska pitanja.

Prvo pitanje postavio je Federalnoj upravi za geodetske i imovinsko-pravne poslove u Sarajevu u vezi sa radom Komisije za podatke o nekretninama i podsjetio da je ovo pitanje već postavljao na sjednici u travnju i da još nije dobio odgovor. Zatražio je da odgovor bude u pisanoj formi.

Drugo pitanje postavio je Federalnom ministarstvu, poljoprivrede, vodoprivrede i šumarstva, a odnosi se na sprečavanje bespravne sječe šume na lokalitetu Jadovnik – Drvar.

Edin Hozan postavio je pitanje Visokom sudskom i tužilačkom vijeću Bosne i Hercegovine u vezi sa poštivanjem nacionalne zastupljenosti konstitutivnih naroda u tri općinska suda, kao i u Kantonalnom sudu u Srednjobosanskom kantonu, jer su sada zastupljeni pripadnici samo jednog konstitutivnog naroda.

Lidija Bradara zatražila je da svi delegati dobiju transkript sa sjednice Vlade Federacije koja je održana dan ranije, tj. 04. novembra 2009. godine na kojoj su izvršena imenovanja upražnjenih radnih mjesta u upravnim i nadzornim odborima. Naglasila je da je posebno interesuju kriteriji i sistem prema kojim su izvršena ova imenovanja.

Igor Rajner pokrenuo je inicijativu prema Kolegiju Doma naroda, a odnosi se na primjenu Poslovnika o radu Doma naroda, tj. glasanje o informacijama i izvještajima od tijela koja su prema zakonu odgovorna Parlamentu Federacije.

Također je postavio i dva delegatska pitanja.

Prvo pitanje uputio je Zakonodavno-pravnoj komisiji, jer postoji saznanje da je ona u svom radu imala problema sa kvorumom članova iz reda stručnih, naučnih, kulturnih i javnih radnika koji ne dobijaju redovno naknadu sa svoj rad.

Drugo pitanje uputio je Federalnom ministarstvu, poljoprivrede, vodoprivrede i šumarstva u vezi sa primjenom tržišnog reda kod proizvodnje mlijeka.

Zoran Budimić pokrenuo je Incijativu prema Vladi Federacije koja se odnosi na prisustvo premijera i ministara sjednicama Doma naroda i to tokom njenog cijelog trajanja.

Zatim je postavio pitanje Federalnom ministarstvu energije, industrije i rudarstva a tiče se naknada za priključak na električnu energiju povećane nekoliko puta.

Sjednica je završena u 16.06.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić